

## Pannakaiseguro Dagiti Bunga ken Pinuon ti Kape iti Hawaii

Dagiti bunga ti kape a mapatanor tapno maiproseso ken nairanta a mailako nga usaren ti tao ket mabalin nga ipaseguro iti Hawaii. Masapul nga aprobaran ti RMA ti pagmulaan ken maikeddeng a ti edad dagiti pinuon a ket umabot ti tallo (3) a tawen iti Disiembre 31 iti napalabas a panagapit a tawen. Dagiti **pinuon** a kape ket mabalin pay nga ipaseguro no makaipakitakayo iti pammaneknek nga addan uppat nga agsasaruno a panagapit a tawen a padasyo iti panagmula iti kape, saan nga mairaman ti tawen a panangigannuat.

Ti edad ti pinuon a kape ket maikeddeng iti Mayo 31 kas iti sumaganad:

Tawen	Dagiti Bulan Kalpasan ti Panangigannuat
1	≤ 12
2	13-24
3	25-36
4	37+

Dagiti kape ket mabalin nga ipaseguro kadagiti *counties* wenna luglugar nga administratibo iti Hawaii, Kauai, Honolulu, ken Maui.

Mabalinyo ti makaawat iti bayad ti seguro babaen ti *policy* wenna pagannurotan ti apityo, *policy* wenna pagannurotan ti pinuon ti mulayo, wenna isuda a dua. Ania man kadagiti dua a kaso, masapul a ti gapu ti pannakalugi ket maigapu ti aniaman kadagiti sumaganad a rason:

1. **Dakes a panawen** – Mabalin a mairaman ti niebe, napigsa nga angin, tikag, wenna nalabes a tudo.
2. **Pannakadadael dagiti pinuon** - No ipalubos ti nangiseguroanyo tapno malapdan ti panagraira ti sakit.
3. **Sakit** – Malaksid no saankayo a nangiwayat dagiti umiso a wagas iti panangkontrol.
4. **Gingined**
5. **Uram** – Malaksid no saanyo a kinontrol dagiti ruot ken dagiti dadduma pay nga agtubtubo iti lugar a nagmulaan.
6. **Insekto** – Malaksid no saankayo a nagaramat dagiti wagas a panangkontrol kadagitoy.
7. **Tsunami**
8. **Panagbettak ti bulkan**
9. **Atap nga ayup** – Malaksid no saanyo a sinurot dagiti nairekomenda a wagas iti panangkontrol kadagitoy.

Masapul nga aplikaranyo ti pannakaiseguro iti saan a naladladaw ngem Disiembre 31. Masapul nga ireportyo ti kalawa ti namulaan para iti *policy* wenna pagannurotan ti seguro iti mula iti saan a naladladaw ngem Marso 15 ken ti pagannurotan ti pinuon dagiti mula iti saan a naladladaw ngem Pebrero 15 iti sumaruno a tawen.

Agepekto ti seguro iti Enero 1 para kadagiti nailayon a *policy* wenna pagannurotan ken 30 nga aldaw kalpasan a maawatmi ti aplikasionyo para kadagiti baro a *policy* wenna pagannurotan, ngem saan a nasapsapa ngem Enero 1. Ti panawen a masakupan ti seguro ket agpatingga iti nasapsapa ngem:

- 1) Mayo 31 iti sumaruno a tawen a panagapit; wenna
- 2) Panangikeddeng ti RMA iti kadagupan ti nadadael a naiseguro nga apit iti yunit.

Dagiti maapit ket maibasar iti aktual a rekord ti produksion (4 agingga iti 10 a tawen) nga ireportyo iti ahente ti seguro.. Mabalinyo a pilien ti lebel ti sakupen ti seguro manipud iti 50 agingga iti 75% ti gagangay nga apityo. Ti sakupen ti

Catastrophic Risk Protection (CAT) ket madadaan met ken mangidiaya ti 50% a seguro ti apit nga adda 55% ti magmagna a presio.

Ti presio a naaramat iti panangsumar iti bayadan a *premium* wenna kontribusyonyo ken maawat a bayad ti seguro para iti 2015 a panagapit a tawen ket \$1.20 iti tunggal libra iti bunga. Laglagipen a daytoy a presio ket mabalin tinawen nga agbaliwbaliw. Ti presio dagiti pinuon ket agsusupadi segun iti kasasaad ken lugar a nakaimulaanda ken masansan a maipabaro kas kasapulan. Ti presio dagiti pinuon ti kape ket umabot manipud iti \$9 agingga iti \$11 iti tunggal pinuon iti *counties* wenna luglugar nga administratibo iti Honolulu, Kauai, ken Maui. Ti gatadda ket agduduma manipud \$18 agingga iti \$36 iti Hawaii County para iti 2015 a panagapit a tawen.

Ti CAT ket 100% nga adda *subsidy* wenna tulong ken awan ti *premium* wenna kontribusyon a bayadanyo. Nupay kasta, adda *administrative fee* wenna pang-administratibo a bayadan a \$300 kada apit kada *county* wenna administratibo a lugar ania man ti kalawa ti namulaan. Para iti nangatangato a lebel a masakupan, adda \$30 a pang-administratibo a bayadan ken adda *subsidy* wenna tulong a kas maipakita iti sumaganad a tsart iti baba. Kas pangarigan, no pilieny ti 65% a lebel a masakupanto, ti *premium* wenna kontribusyonyo a bayadan ket 41% iti *premium* wenna kontribusyon:

Sakup	CAT	Mabayadan					
CL	CAT	50%	55%	60%	65%	70%	75%
<b>Subsidy wenna Tulong</b>	100%	67%	64%	64%	59%	59%	55%

Para iti mas detaliado nga impormasion maipapan iti sakup ken ti mabayadan a *premium* wenna kontribusyon, mabalin a kontaken ti ahente ti seguro para kadagiti apit. Ti listaan dagiti ahente iti seguro para kadagiti apit ket madadaan iti amin a sentro ti serbisio ti USDA ken iti website ti RMA iti [www3.rma.usda.gov/apps/agents/](http://www3.rma.usda.gov/apps/agents/)

Mabalinyo pay a kontaken ti Risk Management Agency iti sumaganad no adda dagiti saludsod wenna pakaseknan:

USDA/Risk Management Agency  
 Davis Regional Office  
 430 G Street, #4168  
 Davis, CA 95616  
 Telephone: (530) 792-5870  
 Fax: (530) 792-5893  
 E-mail: [rsoca@rma.usda.gov](mailto:rsoca@rma.usda.gov)

---

Iparit ti U.S. Department of Agriculture (USDA) ti ania man a diskriminasion iti amin a programa ken aktibidad maigapu iti puli, kolor ti kudil, nagtaudan a pagilian, tawen, kinabaldado, ken no mayaplikar, seks, kasasaad ti estado (naasawaan wenna saan), kasasaad a kas nagannak, relihion, orientasion a seksual, impormasion maipapan iti genetic, pammati a politikal, panagibales, wenna gapu ta amin wenna paset ti mapaspastrek ti indibidual ket naggapu iti ania man a programa a tulong manipud iti publiko. (Saan amin a maiparit a pagibasaran ti mayaplikar iti amin a programa.) Dagiti tao nga adda kinabaldadoda a makasapul iti alternatibo a wagas ti komunikasion maipapan iti impormasion iti programa (Braille, dakkal a letra, audiotape wenna nairekord a boses, ken dadduma pay) ket mabalinda a kontaken ti USDA's TARGET Center iti telepono 202-720-2600 (boses ken TDD). No mangidatag iti reklamo iti diskriminasion, kompletuen, pirmaan ken ibuson ti Pormas ti Panagreklamo iti Programa a Diskriminasion, (madadaan iti ania man nga opisina ti USDA wenna babaen ti online iti [www.ascr.usda.gov](http://www.ascr.usda.gov)), idiyay: United States Department of Agriculture; Office of the Assistant Secretary for Civil Rights; 1400 Independence Ave., SW; Washington, DC 20250-9410. Wenna umawag iti libre iti (866) 632-9992 (boses) tapno makaala iti nayon pay nga impormasion, ti umisu nga opisina wenna para iti kiddawen a dokumento. Dagiti indibidual a tuleng, marigatan a makangeg, wenna saan a makapagsao ket mabalinda a kontaken ti USDA babaen ti serbisio ti Federal Relay iti (800) 877-8339 wenna (800) 845-6136.